

Arkivnr: 2014/560-143
Saksbehandlar: Ingeborg Borgen Takle

Saksframlegg

Saksgang

Utval	Saknr.	Møtedato
Ungdommens fylkesutval		

Årsmelding 2014 for Ungdommens fylkesutval

Saksutgreiing

Ungdommens fylkesutval må levere ein årsmelding til Ungdommens fylkesting 13.-15. februar, samt til det ordinære fylkestinget seinast til møtet i juni. Derfor må årsmeldinga vere vedteke av Ungdommens fylkesutval seinast 3. februar for å verte sendt ut i tide til deltakarane på Ungdommens fylkesting.

Årsmelding er ein rapport om kva ein har gjort i førre kalenderår, kva ein har jobba for, fått til eller eventuelt ikkje fått til. Den skal vere kortfatta og presis, men kan gjerne innehalde nokre politiske standpunkt eller ønskjer, særleg i eit slutord. Det er viktig at språket er slikt at det er lett å forstå.

Her er eit forslag til administrasjonen si del av årsmeldinga:

«**Administrasjonen**

2014 er det fyrste året Hordaland fylkeskommune har hatt fullt ansvar for Ungdommens fylkesting og Ungdommens fylkesutval eit heilt år. Året har vore brukt til å fastsette ein del rutinar og å knyte kontakt med fagavdelingane og politikarar.

Hordaland fylkeskommune har tre tilsette som jobbar for å legge til rette for Ungdommens fylkesutval. Det er Ingeborg Borgen Takle, som er rådgjevar og sekretær for Ungdommens fylkesting og Ungdommens fylkesutval, Dianne Kilvær, som organiserer store arrangement som Nettverkssamlinga og Ungdommens fylkesting og som tek seg av bestilling av reiser, påmelding til kurs og hotellovernattingar, og Thamina Akter Khan som tek seg av bestilling av møterom og mat og drikke til desse. Alle tre er tilsett i organisasjonsavdelinga til Hordaland fylkeskommune.

Samarbeidet mellom administrasjonen og Ungdommens fylkesutval har gjennom året vore bra.

Økonomi

Ungdommens fylkesutval har gjennomført to store arrangement, Ungdomens fylkesting og Nettverkssamlinga (sistnemnte over to dagar), og har vore aktivt med på kurs, konferansar, og andre arrangement, i tillegg til å hatt mange møter. På tross av dette har Ungdommens fylkesutval klart å halde seg innanfor budsjetttramen på 230 000 kr med ein balanse på 44 000 kr i pluss.

Det er nokre postar kor ein har gått over budsjettet og det er i hovudsak i samband med reise. Enten direkte reise eller diett i samband med reise. Dette er pengar ein får når ein reiser langt og må ete på vegen. Budsjettet er på desse punkta overskride med 13 500 kr. Det andre området der ein har overskride budsjettet er på bevertning/matvarer. Det gjeld utgifter til mat på møter i Ungdommens fylkesutval og i samband med Ungdommens fylkesting. Når det gjeld det sistnemnte er dette ein utgiftspost som korresponderer med ein inntekstpost. Grunna til det er at det er kommunane som betalar hovudparten av kostnadane ved overnatting og mat under Ungdommens fylkesting via ein eigenandel som vert betalt for å delta. Så dess fleir som deltek dess høgare vert utgifter til mat og dess høgare vert inntekta. Det er altså pengar som kjem inn og så vert betalt ut igjen med ein gong.

På alle dei andre postane har det vore brukt mindre, og til dels mykje mindre, enn det var budsjettet. Særskilt på Kurs/kompetanseheving har ein brukt 35 000 kr mindre enn planlagt. Ein forklaring kan vere at når denne posta vart auka under Ungdommens fylkesting rekna ein inn utgifta ved reise og opphald og under denne posten. Det kan ein sjå igjen på at utgifter til reise har gått over budsjett. Også møteutgifter var mykje lågare, men og her kan ein sjå ein samanheng med at dei store summene som fell på denne og på Bevertning/matvarer. Kostnadane til Ungdommens fylkesting og Nettverkssamlinga har kanskje vore plassert feil, enten i budsjettet eller i rekneskapet. Det er og to slike postar som aukar og minskar tilsvarande med inntekta og talet på deltakarar.

Alt i alt kan ein vere nøgd med eit rekneskap som visar til stor aktivitet, og framleis ligg innafor budsjett.»

Forslag til avgjerd

Ungdommens fylkesutval skriv og vedtek ein årsmelding i møtet.

Ingeborg Borgen Takle
rådgjevar

Saksframlegget er godkjent elektronisk og har derfor inga underskrift.